

Mate Moris La Satisfas Ho Governu AMP Tamba Selu Heroi Falsu

Contributed by Mariano Martins

Thursday, 18 March 2010

Last Updated Wednesday, 17 March 2010

CJITL Flash, Pagamentu IV Governu Konstituisional ne'ube ladun justu hetan protesta husi antigos kombatentes balun tanba governu la rekuinhese sira nia luta maibe fo fali rekuinesementu ba eroi falsu sira.

Mateus do Santos alias Mate Moris ne'ube uluk luta hamutuk ho komandante rejiaun ida, Corneilo Gama alias L7 ne'ube to'oro agora seidauk hetan kondekorasun husi governu atual.

“Hau nia dokumentus hanesan deklarasaun veteranus, sertidaun batismo, kartaun klandestina hirak ne'ube ha'ube prepara kleur ona no hau lori mai hatama iha diresaun ba asuntu veteranus iha distritu Manufahi”, dehan Mate Moris, Tersa ne'ube iha Dili. “Maibe tinan tolu nia nia laran ha'ube la hetan rekoinhesementu ida husi estadu”.

Mate Moris ne'ube uluk sai membru Forca Militar Indonezia ou Tentara Nasional Indonesia (TNI) nu'udar mos autor ida hamutuk ho komandante L-7 ba operasaun FALINTIL iha sub-Distritu Alas Distritu Manufahi iha tinan 1999.

“Hau kontinua halo protesta ba iha Ministeriu Solidaridade no Sosial tamba la iha resposta ba dokumentu ne'ube trata tinan 3 nia laran maibe governu kontinua selu hero'i falsu”, tenik nia. Tamba la hetan atensaun husi devizaun antigos kombatentes iha distritu Manufahi, maka nia kontinua halo tratamentu mai nasional maibe esforsu hirak ne'ube nafatin saugate deit tanba seidauk hetan resposta husi ministeriu ne'ube kompetente.

“Durante fulan rua ona ha'ube seidauk hetan resposta nafatin hau nia maluk sira hetan”, nia dehan.

Mate Moris arepende tebes ho nia kontribuisaun ba nasaun soberania ida ne'ube to'oro hetan libertasaun maibe ikus mai laiha rekoinhesimentu, katak nia. “Diak liu haruka tiha hau ba iha nasaun seluk tamba ha'ube nu'udar sidadaun Timor ne'ube estadu Timor rasik la koinhese”, nia hateten. Antes ne'e governu fo ona kondekorasaun ba ema rihun ba rihun iha antigos kombatentes, klandestina no loriku asuwain maibe nafatin mos iha ema barak mak seidauk hetan rekuinheselementu husi governu ne'ube lidera husi Eis Gureileiru, Xanana Gusmao.(Mariano/CJITL)